

(Dieses Gedicht wurde zur Feier von Lisas 150'000 Liter erstellt)

Wehribach Joliam LISA



152'927 Liter

Üsi LISA

Ungloublech was üsi Lisa i ehrem läbe gleischtet het,
eher mikerig im Ghaut, aber das machtsi mitdr Mängi widr wett.

Gäh hets si jetz über 150'000 Liter

u das geit no jede Tag witer.

Wenn si Morge u Zobe bi de erschte im Mäuchstang steit,

macht das doch eifach no gad dopplet Fröid.

Si isch nid öppe e grossi Chue,

aber bim Schäre am Chopf chasi de sehr dumm due

jetz löh mir se bim Chopf haut in Rueh

u schäret nume dr räscht vo dere super Chueh.

Früsch gschore isch si mängisch uf Rumisbärg ad Viehschou marschieret

und isch mit de Note 5544 96 punktiert.

Si het dr Umzug vom Abing- i Loufstau miterläbt

u het o mängi angeri Chue überläbt.

14 Chäubli, einisch fuf Chüeli in Serii,

hets üs gschänkt üses Liseli.

Sie isch e unschinbari Chue, sehr fruchtbar

vitau, fliisig und einfach wunderbar

Mit dr Lisa im Stau, do hei mirs breicht,

si het bi aune scholang der Sonderstatus erreicht.

Merci Lisa für dini gwautigi Leischtig, wo du voubrocht hesch

Mir hoffe aui ganz fescht,

dass no lang gsung u gfräsig chasch blibe

u im Auter nie muesch liide.

Mir chôi aui stouz si,

Uf sis Lisi